

اسلام نمبر بندی

مدیری: حلیم ثابت

صافی ۴

۲۸ ربیع الآخر ۱۳۳۲

۱۳ مارچ ۱۳۳۰

پیل ۱

حقیقه کی تمہیداتندن ملہم اولان بونظریہ فرانسه نك بیوک حقوق شناسی متوفی
 M. Saleilles طریقہ دین مظهر مدافعه اولشدر . خلاصہ شوندن عبارتدر :
 حادثاتك فعلاً جریانی تدقیق ایدیلنجہ ثابت اولورکہ حقوقی شخصیت موضوع
 بحث اولان یرلرده تمامیہ آیرلش ومعین برجہتہ تخصیص ایدلشی اموالندن
 باشقہ برشی یوقدر .

بعض حقوقچیلر برمال آیرلایمی ومستقل برملکیت تشکیل ایدلایمی زمان
 کیفیتی ایضاح ایچون معنوی برشخصیتك ایجادینہ احتیاج وار فرض ایدرلر .
 حالیکہ افرادہ عائد اموال یانندہ ، حقوقی رابطہ سی تخصیص وبرغایہ ایچون
 خمس اولان وقواعد مخصوصہ سنہ توفیقاً اداره اولنان اموالك بولتہ بیایہ جکی
 تصورہ نہ مانع وار ؟ بوجہایہ آیریلان اموال معین اشخاصك — داین ،
 مرتزقہ — توثیق مطلوباتنہ ویا برصورتلہ انتفاعنہ خدمت ایدر بناءً علیہ
 مواضع لی معنوی شخصیت فکریخی برطرف ایتك اقتضا ایدر .

شورای دولت اعضاسندق

ہاشم

اجتہاد وتقلید

ہرکسك ییلدینکی برحقیقتدرکہ بوکون جہان مدنیتدہ الکریم قالمش برملت
 وارہ اودہ بز ، عالم اسلامك ہر ہانکی جہتہ امالہ نکاح اولونسہ درحال
 نظرلرده عجز ومسکت تجلی ایدیور . مدنیتك شرائط حاضرہ سیلہ متناسب
 جدی ، حقیقی اثر حیات کوسترن برقطعہ اسلامیہ تصادف اولونہ میور . بروقتلر
 جہانی انوار معرفت ومدنیتلہ عصرلرجہ تنویر ایلین بلاد اسلامیہ بوکون نورسز ،
 روحسز خرابہ زار حالندہ بولونیور .

انسان بزکرہ عالم اسلامك اولوقکی علم ومعرفتجہ ، مدنیتجہ ، فضائل
 انسانیتجہ اولاند موقعہ ، بردہ بوکونکی حال انحطاط وانقراضنہ باقیورده
 خیرتدن حیرتہ دوشویور . دینی دینسز بوتون ملل واقوام ، حتی کوتلی ،

اثنی معبود اتخاذ ایدم جک قدر باطل بردینه اتباع ایدن ملتر بیله زمانزده
حیات مدنیه نك اك يوكسك موقعی اشغال ایتد کبری خالده اساسی وحدانیت ،
رکنی علم و معرفت ، شرطی فضیلت اولان بر دین فطری به سالک اولان ملت
اسلامیه اك كریده ، اك آشانی مرتبه ده بولونیور .

بو الیم حقیقتی کور و بده قلبی صیرلامیه حق جدی ، حیث شعار بر مسلمان تصور
ایدیله من . لکن نه فائده که یالکز قلبلر صیرلامقله ، تأثرلر کوسترمکه ایش بنیور .
زمانز تأثر زمانی دکل ، فعالیت علم و معرفت زمانیدر . آرتق ایجه آکلاملی یزکه
بو کونکی شرائط حیاتیه مزله شو عالم مدنیته بزم ایچون یاشامق ، یاشاتمق امکائی
قالامشدر . غربدن شرقه دوغری جریان ایتمکده اولان بیل مدنیت کتدکجه
شدتی آرتیرمقده در . ظن ایتم که بو حالت روحیه مزله او جریانه مقاومت قابل
اوله بیلین . او بر سیل شدید الجریانه بکوز که ، وقیه اولنک مجراستی آچار ،
اطرافتی علم و معرفتله تجهیز و تحکیم ایله مزسه ک قورقارم که بر کون کلیر ، اوکته
حائل اوله جق یوتون مانع لری زیر وزیر ایدر ، یالکز وطنیزی دکل ، دینیزی ده ،
ملیتیزی ده سیلر کوتورور .

بعضری ملت اسلامیه نك بو کونکی تدبیرستی کور یورلرده اسلامیت ترقی به
مانعدر دیورلر . بوسوز خلی زماندن بزی ابتدا آورپالیر طرفندن قصداً
سویلمش برسوزدر . بعضری ده محیط اسلامده موجود اولان حالت روحیه به
باقیورده بونی دین اسلامک تولید ایله دیکی بر نتیجه ظن ایدیور . آنکچون
اوفکرده بولونیور ؛ عین زمانده خقایق تاریخیه دن غفلت ایدیور . عجا اسلامیت
قدر ترقیات مدنییه خدمت ایتش بر دین ، بر مذهب دنیا به کیش میدر ؛ اسلامیتک
اساسی وحدانیت ، رکنی علم و معرفتدر . قرآن کریم باشدن باشه علمی تجیل ،
جهلی تقبیح ایدن آیات جلیله ایله دونودر . جناب حق بر آیت جلیله ایله حضرت
رسالتنامه اقدمزه ازدیاد علم و معرفتی طلب و دعا ایتسنی امر ایدیور . یوزلرجه
احادیث صحیحه نبویه ده امت اسلامیه نی تحصیل علومه تشویق ایله یور .

نه حاجت ، تاریخ میدانده در . آوروپانک بو کونکی مدنیتک اناسی ، مدنیت
اسلامیه دکلیدر ؛ حالا بو کون بر چوق علوم و فنونده موجود اولان اصطلاحات

قیه علمای اسلام طرقتدن وضع ایدلش بولان تعییرات عربیه در . خلاصه
وقیه مدینت اسلامیه ، اولوقتلر موجود اولان مدینتلك بك چوق فوقده
ایدی . بوتاریخاً مثبت بر حقیقتدر ، بونی انكار تاریخی کلیاً انكار دیمکدر که
حقیقه قارشى مکابره در .

ملت اسلامیه ده کورولان شوخال انحطاطك اسبابی اسلامیتده دکل ، باشقه
شیلر ده آرمیلدر . خارجی و داخلی حصوله کلن محاربات ، داخده اوزون مدت
دوام ایدن اغتشاشات ، حکومتلك اجرا ایتدکلى ظلم و استبداد ، مقاصد سیاسیه
بناء تحذ ایدن بعضی فرق اسلامیه نك نشر ایلدیکی خرافات و بوتلك نتیجه سی
اوله رق عالم اسلامى استیلا ایلین جهل و تقلید بو انحطاطك باشلیجه اسباب
وعواملنددر .

توالی ایدن محاربات واختلالات یوزندن نه قدر امهات آثار اسلامیه ومدنیه
واریه هان کافه سی محو اولوب کیتمشدر . هله غربده و شرقده ظهور ایدن
ایکی الیم قاجمه استیلا نتیجه سنده اندلس کتبخانه لرته موجود عموم
مدونات علمییه ، آیین مخصوص اجراسیاه احراق ، بغدادده الیچن بوتون مؤلفات
مدنیه دجله یه آتلق صورتیله اتلاف ایلدی .

زمانمزدده مطبوع و غیر مطبوع ائده متداول ، کتبخانه لرده موجود اولان
کتب اسلامیه اصلی اعتباریله محدود اولغله برابر اکثریتی اعتباریله ده متأخرین
طرقتدن تألیف ایدلش آثار مختصره دن عبارتدر . اصل بوتلك مأخذلری اولان
واعاظم اسلاف طرقتدن بك بویوك همترله تدوین اولونان اوییکلرجه . مدونات
مبجله یه ایسه هیچ بریرده ، هیچ بر کتبخانه ده تصادفی ایدیه میوز . یالکتر
اسملری کورولیور .

سکزیوزنه هجریه سندن صکره کلن علمای اسلام ده نشر آثار خصوصنده
یوسیتون باشقه بر چیغر آچشلر ، بوتلر اثرلرنده معادن زیاده الفاظه اعتنا
ایتملر ، اقتدارلرینی ، مهارتلرینی حقایق علمییه تحلیل و تبیینده دکل ، اختصار
الفاظده کوسترمك ایسته مشلر ، کویا آزلنظ ایله چوق معنی افاده ایتك غرضیله
الفاظی صیقه ، صیقه وجهلرلك باشنی نهایتی عبارتدن حذف ایده اید اثرلرینی

شرحی آ کلاشماز برحاله ، عادتاً معنی حاله کتر مشلر ، اکثریسی ده جهت اختصاری التزام ایتدکرندن برچوق مباحث مهمه بی اثرلرینه درج ایتمه مشلر ، درج ایتدکری مسائلک ده دلائلی لزومسز کوره رک یا بوسبتون طی یا خود بک مختصر برحاله نقل ایله مشلردر .

حالیوکه نسله زمانزه قدر موجودیتنی محافظه ایدن بعض آثار اسلاف مطالعه ایدیلرسه آ کلاشیلرکه اوائل اسلامده اکابر علمای اسلام ، الفاظه اصلا اهمیت ویرمدکاری کی مقصدلری تقاض اولیوب حقایق علمییه بی افاضه اولدیلغندن غایت فیاض اثرلر وجوده کتر مشلردر . آنک ایچوندورکه اسلاف کرام ، بر مسئله بی اطرافیه تحلیل وتدقیق ایدرک حقیقتنی وروحنی قارنک ذهته یزاشدیرمدکجه ، بوتون دلائلی برر برر بسط و بیان ایله مدکجه دیگر مسئلهیه کچمورلدی . بوجهته اخلافک کوچوک بر جلد ایچتده صیقشدیردقلری مسائلی ، اسلاف کرام حضراتی اون بش یکر می حتی اوتوز جلد اوزرینه تالیف ایله مشلردر .

مع التأسف اصحاب تحصیلده دخی معیشتسزک وسائر دولایسیله اسکی همت قائم دیغندن صکرم لری مدارس اسلامیه ده درس پروغراملرینه اک مختصر کتابلر ادخال اولمش ، بوسورتله آزچوق الدم بولوتان مفصل ومفید آثار کزیده کتبخانه راقلرنده اونودولمش قالمشدر . ایش بوقدرله ده قالماش ، علم تفسیر ، علم حدیث ، علم اخلاق وعلم تاریخ کی اک مبجل ، اک لزوملی درسلرده پروغرامدن خارج طوتولمشدر . بوکون اصول تدریس اوقدر غیر مشر بر طرزده درک طلبه علومک کویا اکمال تحصیل ایچون صرف ایتدکاری اون ، اون بش سنهک عمرک یدی سکر سنه سی ، همده اوکرنمه مک شرطیه قواعد عربیه ومنطقیه تحصیلیه هدر اولوب کیدیور . ایشته زمانزده اولیه اسکیمی کی علوم شرعیه وفقیه ده متبحر ، احاطه کلیه صاحبی ، جداً مقتدر ذوات فاضلهیه تصادف ایدیله مه سنک سبی بودر .

ازمیر مبعوثی

یتیمی

سیر